庫全書

子部

欽定四庫

子部

神農本草經疏卷二

編修臣倉理脈覆勘 詳校官太醫院吏目臣周世泰

總校官進士臣終 校對官中書臣吳 胳 録監生臣左振麟

琪

俊

腾録監生臣汪大梓

總五 品 神農本草經疏 石決明 明 種 繆希雅 瑇瑁 牡蠣 文蛤 撰

多万正人在言 志輕身不餓不老延年神山產作極 諸不足益氣補中止痛解毒除聚病和百樂養脾氣 心煩食飲不下止腸群肌中疼痛口瘡明耳目人服 石蜜味甘平無毒微温主心腹邪氣諸驚癇痉安五藏 疏〇石蜜蜂採百花釀成故本經味甘氣平别錄微 温無毒得草木羣英之精華合露氣以釀成故其氣 蠡魚 鯉魚膽 麟 卿 魚 解 强 除

一人。一日三十二 驚癇症得甘緩之氣則心火降煩熱除諸驚癇痙平 諸病罔不相宜經曰裏不足者以甘補之甘為土化 脾氣得所養而飲食自下腸群止矣五臟足氣血充 清和其味純甘施之精神氣血虚實寒熱陰陽內外 矣諸痛癢瘡瘍皆屬心火故又能止肌中疼痛及 藏諸不足及益氣補中除東病也心經有熟則為諸 瘡也甘主解毒故能和百樂甘主入脾故能養脾氣 土為萬物之母石塞具天地間至廿之味故能安五 神農本草經成

からしたと言 矣 仲景方塞導煎治陽明病自汗小便反利大便鞭者 用此潤之有痰加竹瀝 同蘆根汁梨汁人乳牛羊乳童便治噎膈大便燥結 則耳目聰明不餓不老輕身强志延年神仙所自來 潤五藏益血脈調脾胃通三焦塗火灼瘡能緩痛 用蜜 主治私互 合銅器中做火熬之候凝如餡狀至可丸聚 煉熟和諸九樂及膏子主

火之四車へう 育主之用上等石塞不拘多少湯和時時以翎刷之 瘡皆戴白漿隨決隨生不即療數日必死差後瘡藏 **熟色一歲方滅此惡毒之氣深入也用塞入升麻煎** 書産後口渴用熟審不計多少熟水調服即止 幼心鑑痘虧作癢難忍抓成瘡及痂欲落不落百花 少頃即通也一法加皂角細末二分攪匀尤速 熱捻作挺今頭鋭大如指長寸半許候冷納穀道中 肘後方天行膚瘡頭面及身須史周正狀如火 神農本草經疏 全

ダモル 消蟲脹不宜用淫熟脚氣不宜用生者有小毒尤不 宜食青赤酸者食之令人心煩不可與生怒同食害 過數數拭之 石蜜雖稱補五藏益脾胃然而生者性寒滑能作泄 人若與萬苣同食令人利下食家飽後不可食鮓令 大腸氣虛脱穀不化者不宜用嘔家酒家不宜用中 暴七 簡誤

氣不饑耐老 審蠟味甘微温無毒主下痢膿血補中續絕傷金瘡益 > / :..] [] = 1 / · · · · · 臟腑經絡蠟性濇質堅故能療人痢洩群後重下膿 兒外服輕身不饑 也男子女人大小內外皆可施而別録獨云利小兒 疏〇蠟石客之凝結於底者也審性緩質柔故主潤 金瘡也中得補則氣自益故外服能不饑輕身耐老 血也甘能益血補中温能通行經脈故主續絕傷 白蠟療人洩群後重見白膿補絕傷利 神農本草經疏

金岁世是之言 者非也 黄檗猪膽汁炙猪脂作膏治內外臁瘡久不愈 得象牙末等能去漏管長肉見象牙條下 手足俱變者用黄蠟三錢阿膠三錢同溶化入黄連 匱方調氣飲治赤白痢少腹痛不可忍後重或面青 陰蝕惡瘡 珍珠末黄檗末龍腦香鉛丹蛙竹屑怒白猪脊髓治 主治於互 同孩兒茶鉛丹胡粉水龍骨粉霜龍骨 得脈粉 金

氣除拘緩鼠瘻女子帶下赤白除留熱在關節 牡蠣味鹹平微寒無毒主傷寒寒熱温瘧酒洒騰悉怒 ついこりにという 至 熱痢及婦人産後下痢用蠟二基子大阿膠二錢當 **禾五錢攪匀分三次熱服神効** 熱暴痢不宜用 簡誤 升去米入藥煎至 一錢半黃連三錢黃檗 神農本草經院 鍾温服神効 |錢陳廩米半升水三升者 千金方膠蠟湯治 **5**

節殺邪鬼延年或此子良惡麻黃細辛具菜英節殺邪鬼延年貝母為之使得甘草牛膝遠志 腸止大小便療洩精喉痺咳嗽心腸下痞熱久服强骨 在少正是人言 熟去來不定煩湍止汗心痛氣結止渴除老血牆大小 疏〇牡蠣得海氣結成故其味鹹平氣微寒無毒氣 **湍氣結心痛心脇下痞熱等證皆肝膽二經為病二** 薄味厚陰也降也入足少陰殿陰少陽經其主傷寒 經冬受寒邪則為傷寒寒熱夏傷於暑則為温瘧洒 寒熱温瘧洒洒驚恚怒氣留熱在關節去來不定煩

久にりまいたま 血而軟堅所以主之其性收敛故能濇大小腸止 此樂味鹹氣寒入二經而除寒熱邪氣則榮衛通拘 則心脇下痞熱邪熱甚則驚恚怒氣煩湍氣結心痛 也鹹屬水屬陰而潤下善除一切火熱為病故又能 白男子為洩精解少陰之熱而能斂濇精氣故主之 洒邪伏不出則熱在關節去來不定二經邪鬱不散 止汗止渴及鼠瘻喉痺咳嗽也老血者宿血也鹹走 緩和而諸證無不瘳矣少陰有熟則女子為帶下赤 神農本草經疏

多岁世是 年自延矣更能止心脾氣痛消疝瘕積塊瘦瘤結核 伏神黄葉當歸治心腎虚盜汗 同生地黄黄耆龍眼五味子酸聚仁麥門冬白芍藥 脇下堅淌等證旨寒能除熱鹹能軟堅之功也 而入肝腎足則鬼邪自去人以腎為根本根本固則 黄山茱萸枸杞子車前子沙苑蒺藜蓮鬚杜仲治夢 小便利也腎主骨入腎益精則骨節自强邪本因虚 主治祭互 同黄蘖五味子地

骨入柴胡桂枝各湯内取其收斂浮越之陽氣固脱 遺泄精加牛膝則兼治赤白濁 根黄耆等分為末每服二錢水煎服 而鎮騰更能除胸脇中痞硬 藏器方同麻黄根蛇 木耳炒黑香附白芍藥地榆麥門冬續斷青萬鼈甲 函方傷寒傳成百合病如寒無寒如熱無熟欲卧不 牀子為粉去陰汗 本事方虚勞盗汗牡蠣粉麻黄 蒲黄止婦人崩中下血及赤白帶下 仲景方同龍 同地黄黄蘖阿膠 仲景金匱玉

欠モロラくよう

神農本草輕號

とりしんとう 慈汁白麵同調小兒不用乾姜 掃上須史囊熟如火乾則再上小便利即愈一方用 成渴疾外不瘥者用牡蠣煅二兩栝樓根二两為細 用牡蠣粉四兩玄參末三兩甘草一 水病囊腫牡蠣粉二两乾姜炮一两研細冷水調稠 **末每服方寸七用来飲調下日三服** 卧欲行不行欲食不食口苦小便赤色得樂則吐變 大每三十九酒下日三服服盡除根不拘已破未破 經驗方男女瘰癧 一兩麵糊九梧子 古今錄驗方

欠いりっています 龜甲味鹹甘平有毒主漏下赤白破癥瘕痰瘧五痔陰 蝕溼痺四肢重弱小兒顧不合頭瘡難爆女子陰瘡驚 湯下四五十丸 皆効 精寒自出者非宜 再煅研末以米醋調艾葉末熬膏九梧子大每用醋 凡病虚而多熟者宜用虚而有寒者忌之腎虚無火 簡誤 普濟方月水不止牡蠣煅研細米酯搜成團 神農本草經疏

熱欲死以作湯良人服輕身不饑益氣資智亦使人能 **志氣心腹痛不可久立骨中寒熱傷寒勞復或肌體寒** 食勿令中溼中溼即有毒 鹹而甘氣平其性神靈能變化凡入樂勿令中涇中 疏〇介蟲三百六十而龜為之長稟金水之氣故味 神而範性有神借其氣以相通且得水火既濟之義 氣味俱陰入足少陰經方家多入補心藥用以心藏 溼則遂其變化之性而成癥瘕於腹中故言有毒也

父足のラミラ 實非補心之正樂也其主骨中寒熱及傷寒勞復肌 熱較堅故主漏下赤白癥瘕五痔陰蝕陰瘡及小兒 家之真陰則火氣自降而寒熱邪氣俱除矣益陰除 犯腎主骨腎虚則小兒顧門不合腎為五臟陰中之 溼者下先受之溼痺四肢重弱亦腎陰虚而邪氣易 體寒熱欲死痎瘧者皆陰虚而邪熱為病經曰傷於 頭瘡也經口邪熱不殺穀熱去故令人能食能食則 陰陰虚則火熱偏至而為驚恚氣心腹痛此樂補腎 神農本草經疏

年グレたと言 黄蘗知母各四兩為末以猪脊髓和丸梧 子大每百 丹溪方補陰丸用龜下甲酒炙熟地黄蒸曬各六兩 短小女子交骨不開者用乾龜殼一箇酥炙頭髮 脾胃得所養而能思思作唇故資智外服益氣輕身 握燒灰川芎當歸各一兩為末和匀每服七錢水煎 **札空心温酒下** 不機者除熱益陰之功也 主治祭互 摘女方治産三五日不下垂死及

得陰氣多故有益陰之功用耳若今新剖之甲斷乎 服如人行五里許再 死者則有毒故方書所用曰敗龜板者取其長年則 也二者咸至陰之物鼈甲走肝益腎以除熱龜甲通 惡用龜甲者有喜用龜甲惡用鼈甲者皆一偏之見 按龜鼈二甲本經所主大畧相似令人有喜用鼈甲 心入腎以滋陰第鼈甲無毒可多用龜甲非千年自 簡誤 神農本草經流 服生胎死胎俱下

生びにんくき 面令人潤澤好顏色粉點目中主膚醫障膜 珍珠寒無毒主手足皮膚逆爐鎮心綿裏塞耳主聲傅 腸胃能變癥瘕也 者為上味甘微鹹氣寒無毒入手少陰足厥陰經心 疏〇珠禀太陰之精氣而結故中秋無月則蚌無胎 有毒不宜頻使用者不可不詳辨也妊婦不宜用病 其體光明其性堅硬大小無定要以新完未經鎖級 人虚而無熱者不宜用凡入藥須研極細不爾留滯

一人にとうこうこんから 主手足皮膚逆臚也古人未發斯義所以方書級論 不詳亦為闕畧也珠藏於澤則川自娟况塗面寧不 腹脹大皆屬於熱此因脾虚有熱無有積滯所致珍 於手足皮膚皆腫也經云諸溼腫消屬脾土又云諸 有熱所以主之逆膽者膽脹也胸腹脹湍氣逆以及 虚有熱則神氣浮越肝虚有熱則目生膚臀障膜除 珠味甘亦能益脾氣寒能除熱體堅能磨積消滯故 二經之熱故能鎮心去目中障腎也耳聾本屬腎虚 神農本草經流

金少口是人言 同丹砂牛黄犀角天竺黄茯神遠志釣藤鈎琥珀金 樺皮灰沒樂明礬治廣瘡結毒及陰蝕瘡有奇効 箔治小兒駕癎風熱大人失志癲狂等證 令人潤澤好顏色乎凡小兒驚熟風癎為必須之樂 同人中白黄檗青黛硼砂和水片少許治口疳加 乳石象牙末牛黄水片白殭蠶紅鉛天靈益蛀竹屑 石龍脳香白硼砂空青人爪點目能去暫障 主治黎互 同爐廿 同鍾

人としついるとう 腑病不由火熱者勿用 盛頻點取蹇 之則消 雞内金膩粉治下疳 珍珠體最堅硬研如飛麵方堪服食不細能傷 两酒服立出 合鯉魚膽二枚和合銅器煎至減半新綿濾過瓶 簡誤 千金方婦人難産或胞衣不下珍珠末 痘瘡發行毒方見穀部或豆下 聖惠方肝虚目暗珍珠末一兩白塞 神農本草經疏 格古論灰塵迷目用大珠挹 臓

金グロモノ言 瑇瑁寒無毒主解領南百樂毒! 然須用生者乃靈死者則不能矣嶺南人善以諸毒 疏〇瑇瑁龜類也得水中至陰之氣故氣寒無毒而 樂造成盡人中之則昏情悶亂九竅流血而死惟 活瑇瑁刺其血飲或生者磨濃汁服之可解日華子 氣血利大小腸以其性稟純陰氣味至寒故治如是 主破癥結消癰腫止騰痼陳士良主心風解煩熱行 切熱毒其性最靈凡遇飲食有毒則必自搖動 名玳瑁 用

等病也又能解痘毒神効 主治祭互

消 楊氏産乳方解 已發稀少用生玳瑁生犀角各磨濃汁一合和匀温 靈死方預解症毒遇時行症齊服此未發內消 切蟲毒生玳瑁磨濃汁服一蓋即

与温服

神農本草經疏

1=

服半合日三最良

聞人規症虧論症虧黑陷乃

熱血凝也法同上加入猪心血 少許紫草汁五匙

和和

鴻飛集迎風目淚乃肝腎虛熟也用生玳

金ラロをとうも 當火炙不爾令人洩 氣微夢寐失精遭滔人服益氣養神二月三月採蒸之 桑螵蛸味鹹甘平無毒主傷中疝瘕陰痿益精生子 日三服 血閉腰痛通五淋利小便水道又療男子虚損五臟 痘瘡虚寒不起發者不宜服 **瑁羚羊角各** 簡誤 两石点 雙為末每

1... O 1151 則能出故利水道通五淋也女子屬陰肝腎用事疝 疏○桑螵蛸桑樹上螳蜋子也禀秋金之陰氣兼得 瘕血閉腰痛皆二經為病鹹能益陰入血軟堅是 合於腎腎得之而陰氣生長故能愈諸疾及益精生 損則五臟氣微或陰痿夢寐失精遺溺鹹味屬水內 陰也入足少陰太陽經人以腎為根本男子腎經虚 桑木之津液本經味鹹氣平別錄甘無毒氣薄味厚 子也腎與膀胱為表裏腎得所養則膀胱自固氣化 こう 神農本草經疏 十四

多少口左人言 蛸散治男子房勞小便日數十次如稠米泔心神忧 **惚瘦痒食減其樂安神魂定心志治健忘補心氣止** 與心交故能養神也 主之甘能補中故主傷中益氣腎足則水自上升克 外臺秘要虛勞盗汗遺精白濁桑螵蛸炙白龍骨等 分為細末每服二錢空心鹽湯下 便數用桑螵蛸遠志龍骨首滿人多於神當歸龜 主治祭互 寇宗與方桑螵

久三日三日 石決明味鹹平無毒主目障腎痛青盲人服益精輕身 刖 氣凡失精遺溺火氣太盛者宜少少用之 桑螵蛸氣味雖鹹平走腎利水道然得秋時收斂之 治胎前産後遺尿不禁 甲各如法製各一 干金翼婦人遺尿桑螵蛸酒炒為末白湯服二錢兼 簡誤 两為末卧時人 特畏旋覆細如飛麵 参湯調下二錢 方 堪 五五

得甘菊花生地黄木贼草穀精草羚羊角人爪蟬蛇 益精輕身也研細水飛主點外障翳 熱所以能主諸目疾也鹹寒又能入腎補陰故久 能視血虚有熱則青盲赤痛障腎生馬鹹寒入血除 空青蜜蒙花決明子夜明沙治青盲障腎 無毒乃足厥陰經樂也足厥陰開竅於目目得血而 疏〇石決明得水中之陰氣以生故其味鹹氣應寒 主治參互 明目集

久三四年 八字 文蛤味鹹平無毒主惡瘡蝕五痔效逆胸痺腰痛肠急 鼠瘻大孔出血崩中漏下 無簡誤 疏〇文蛤即花蛤大小背上有斑文得陰水之氣故 冷服 其味鹹氣平無毒經曰硬則氣堅鹹以軟之文蛤之 各等分為細末以猪肝熊食 驗方羞明怕日用千里光甘药花甘草各二錢水煎 鴻飛集痘後目賢用石決明火煅研穀精並 神農本草經流 目疾外他用甚稀故

鹹能消散上下結氣故主效逆胸痺腰痛肠急也惡 仲景方傷寒在陽當以汗解反以冷水噀之或灌之 瘡蝕五痔鼠瘻大孔出血崩中漏下皆血熱為病鹹 下甚効 渴者文蛤散主之文蛤五两為末每服方寸七沸湯 其熱被却不得去更益煩熱皮上栗起欲飲水反不 主治祭互 入血除熱故主之也更能止煩渴化疾利小便 千金異府蝕口臭數日欲盡文蛤燒灰以

瘡者不可食令人瘕白 鑫魚味甘寒無毒主溼痺面目浮腫下大水療五痔有 色黑味甘氣寒無毒乃益脾除水之要樂也土虚則 疏〇鑫魚禀北方玄水之精得中央陰土之氣故其 臘猪脂和塗之 病屬邪熱痰結者宜之氣虚有寒者不得用 水泛濫土堅則水自清凡治浮腫之樂或專於利水 簡誤 神鬼二氧至九 トと

多大正母母書 或專於補脾其性各自為用惟蠡魚色黑象水能從 黑本草獨云有瘡者食之令人瘢白非也孟詵主下 神効也五痔因溼熱所生水去則溼氣自除今世俗 阜之性補瀉兼施故主下大小及溼痺面目浮腫有 其類以導横流之勢味甘上化能補具不足以遂敦 娘有水氣並取其除溼下水益脾之功也 小兒痘後咸食之然而早食多食能令皮膚瘢痕皆 大小便壅塞氣作鱠與脚氣風氣人食良蘇頌主好

蠡魚其功專於去溼下水他 明 無所長且多食能發 諸魚膽皆苦惟此膽甘可食為異耳 將死者以蠡魚膽點入少許即差病深者水調灌之 繪食能去溼下水食醫心鏡治十種水氣垂死蠡魚 同白术茯苓橘皮姜皮煮食下水腫大効 , 斤重者黄汁和冬瓜葱白作羹食 簡誤 主治於互 神農本草經疏 靈死方喉痹 **十** 八 與蒜作

金八工屋人言 塗諸瘡或取猪脂煎用又主腸癰 腳魚合尊作羹主胃弱不下食作鱠主外亦白痢燒灰 胃主肌肉甘温能益脾主肌故主諸瘡外不瘥也藏 能入胃治胃弱不下食入大腸治赤白久痢腸癰 器主虚贏大明主温中下氣孟詵云調中益五臟表 其益脾和胃之功也 疏〇腳魚禀土氣以生故其味甘其氣温無毒是以 痼疾不可不知也

單取肉用和平胃散一两杵丸梧子大密藏每服三 錢米飲下 五倍子末填淌泥固煅存性為末酒服一錢一方 百一選方腸風下血用活腳魚一大尾去腸甾鱗 切大蒜片填消腹紙包干重泥固曬半乾炭火煨熟 白礬末二錢外以機包更以紙裏煨存性研末每二 主治祭互 經驗方膈氣吐食用大腳魚去腸留鱗 神農木草經流 十九

アスト・コラート・ラー

をプレル 輝味廿大温無毒主補中益血療瀋唇 温俱足所以能補中益血甘溫能通經脈療風邪故 疏〇輝魚得土中之陽氣以生故其味甘氣大温甘 雞肉维肉鹿肉食生癰疽同麥門冬食害 腳魚調胃實腸與病無礙諸魚之中惟此可常食但 不宜與沙糖同食生疳蟲同外菜食成腫疾同猪 簡誤 主潘唇及今人用之以治口眼喝科也 として

益志氣 スニコヨ ニラ 鯉魚膽味苦寒無毒主目熱亦痛青盲明目外服强悍 復過食動風氣無令人霍亂 性熱而補凡病屬虚熱者不宜食時行病後食之多 劾 與黄耆同食能益氣力 簡誤 主治祭互 神農本草經疏 治大丹赤腫生鱓血塗之 干

金万工屋人言 淌下氣 益志氣也 有熱則虚怯志氣衰苦寒除二經之熟故久服强悍 疏〇 鯉魚肉味甘主效逆上氣黃疸止渴生者主水腫脚 熱赤痛青盲也肝為将軍之官腎為作强之官二 疏〇凡膽皆苦寒走 故素問言魚熱中其氣味雖甘平然多食能令人 經魚稟陰極之氣故其鱗三十六陰極則陽復 (厥陰故鯉魚膽亦主明目及 經 E

トスト・コロラになるよう 從其類以導之故能利小便使黄疸水腫脚氣俱消 鱗主産婦腹痛燒灰酒服亦治血氣雜諸樂用之 妊娠水腫有神効 **煮可二升餘濾去滓頓服盡當下利利盡即瘥并治** 也河間云鯉之治水因其氣以相感者是矣 風熱也甘可以緩故主欬逆上氣止渴陰中有陽能 外臺祕要治水腫用大鯉一尾赤小豆一升水二斗 主治祭互 神農本草經疏 =+-


生でにたる言 陽之數性能入血散游入血者陰之用也散滞者陽 竭百草霜亂髮灰松墨煅酢淬延胡索當歸赤芍藥 之用也故主婦人產後腹痛及血氣不和等證 不斷臍腹疼痛及崩中下血過多不止鯉魚鱗燒血 和劑局方鳥金散治產後血迷血暈敗血不止淋瀝 主治称互 分為末每二錢温酒下)魚麟得水中之陽氣而鯉魚鱗則又稟陰極生 外臺秘要古今錄療魚

散方内有肉桂當歸延胡索赤芍樂皆行血之樂而 使烟入目損目光三日內必驗也前和劑局方鳥金 內葵菜食服天門冬硃砂人不可食凡炙鯉魚不可 六陰已極陽氣初生故能發熟動風風熟病者不宜 食天行病後下痢及有宿癥者俱不可食不宜合犬 服之即出未出再服 鯁骨横喉中六七日不出取鯉魚鱗皮燒作屑以水 簡誤

てんでりいるといか

神農本草經疏

辛二



欽定四庫全書 ストンフトという 蟲魚部中品 神農本草經疏卷二十 總五十六種今疏其要者一十 蟹 蝟皮 附盤沙 神農本草經疏 難退 露蜂房 蝉蜕 明 七種 繆 白殭蠶 鼈甲 烏賊魚骨 撰

酒服之 明皮味苦平無毒主五痔陰蝕下血赤白五色血汁 金八正屋人 止陰腫痛引腰背 疏〇 卽 梗麥門冬)明鼠類屬木其皮毛戟刺 鱸魚 塵蟲 鰻鱺魚 兼辛大肠屬金以類相從故能治大肠淫熱 桔 酒煮殺之又療腹痛疝積亦燒為灰 青魚膽 蛞 躺 并蝸 如鍼屬金故味苦平 **鲨** 茧 石首魚 血 不

てこつは から 熱為病及五痔陰蝕下血赤白五色血汁不止也 腫痛引腰背腹痛症積皆下焦淫熱邪氣留結所 同象牙末等治通腸漏見象牙條下 辛以散之苦以泄之故主之也肉味甘平能開胃氣 米飲下一錢妙 血用蝎皮穿山甲等分燒存性入肉豆蔻一半空心 止反胃亦主痔瘻腸風 主治条互 楊氏家藏方勝風下血蛸皮一 神農本草經跡 衍義五痔下 致 隂

露蜂房味苦鹹平有毒主驚癇瘈瘲寒熱邪氣癩疾鬼 金人正人人 精蟲毒腸痔火熬之良又療蜂毒毒腫 疏〇蜂性有毒螫人則痛極以其得火氣之甚也故 凡食其肉當去骨誤食令人瘦劣諸節漸小也 木贼草半兩炒黑為末每二錢熱酒調下 蜂房味苦氣平性亦有毒別録言鹹當作辛鹹辛散 苦泄鹹可軟堅故主驚痼瘈癡寒熱邪氣癲疾鬼精 簡誤 巻ニナ

りつこう とんれる 袖珍方風蟲牙疼蜂房一枚鹽實孔內燒過研末擦 子母秘録臍風涇澹久不瘥者蜂房燒末傅之効 瘡皆取其攻毒散邪殺蟲之功耳 脉諸毒大明煎水激齒止風蟲疼痛洗乳癰蜂疔惡 方寸七治惡疽附骨癰根在臟腑歷節腫出丁腫惡 毒攻毒之義也蘇恭以亂髮蛇皮三物合燒灰酒服 **蠱毒腸痔等證也療蜂毒毒腫者取其氣類相從以** 主治参互 神農本草經疏

金定正是人工 腫名如乳用蜂房燒灰研末每服二錢水一盏煎六 湯服半錢 痛露蜂房灰白殭蠶等分為末吹入喉内或用乳香 之鹽湯漱去一方同細辛煎水漱之 蜂房主驚癇與飛及諸癰疽惡毒正取其攻散非 之乾則菜油調傅 分去滓温服 簡誤 濟衆方女人好乳乳癰汁不出內結成 經驗方治漏痔蜂房燒存性研細掺 卷二十 又方喉痺 腫 惡

人ろうちへいる 鼈甲味鹹平無毒主心腹癥瘕堅積寒熱去痞息肉陰 傷中益氣補不足 链痔惡肉療温瘧血瘕腰痛小兒脇下坠 散者以其味兼乎平平亦辛也鹹能軟堅辛能走 疏〇鼈甲全稟天地至陰之氣故其味鹹平無毒潤 溃後元氣之竭者皆不宜服 下作鹹象水明矣本乎地者親下益陰何疑甲主消 以毒攻毒之意若病屬氣血虚無外邪者與夫癰疽 1 恶性 神農本草經疏 Б 肉味廿主

腰 樂亦是退勞熱在骨及陰虚往來寒熱之上品血痕 故本經主癥瘕堅積寒熱去痞疾息肉陰蝕痔核 則 肉 之人乃為暑所深中邪入陰分故出併於陽而熱 一勞復為必需之樂勞瘦骨熬非此不除產後陰 痛 別 結為應母甲能益陰除熱而消散故為治應 於陰而寒甚元氣虛贏則那 録療温應者以應必暑邪為病類多陰虚水衰 小兒脇下堅皆陰分血病宜其悉主之矣勞 陷而中焦不治甚 2 甚 脱 要

かりし

資之尤急 主治祭丘

欲死并加桂枝有神去桂枝治癉瘧良 門冬貝母竹葉治温瘧熱甚渇甚無肺熱病者加 仲景鼈甲煎丸治應母之要樂得牛膝當歸歸佐以 参若瘧發熱甚渴甚又寒甚汗多發時指甲黯狀若 橘皮何首鳥知母麥門冬治久瘧 同知母石膏麥 得青蒿麥

シューコュン 人のから 門冬五味子地黄枸杞牛膝治骨蒸勞熱甚則加 神農本草經疏

蟹味鹹寒有毒主胸中邪氣熱結痛喎僻 全ちて 鼈甲妊娠禁用凡陰虚胃弱陰虚泄瀉産後泄瀉産 服之 結熟婦人漏下陰虚羸瘦性冷補 後飲食不消不思食及嘔惡等證咸忌之 簡 胡地骨皮胡黄連 誤 と言 結散血愈漆瘡養筋益氣 肉主傷中益氣補不足腹 切陰虚人宜常 爪主治破胞墮 面腫敗漆燒 中

胎

疏〇蟹稟水氣以生故其味鹹氣寒本經雖云有毒

中 俱除矣鹹走血而 熱壅也解二經之熱則筋得養而氣自益喎僻 足陽明足厥陰經 邪氣熱結痛也喝僻者厥陰風 軟堅故能解結散血添得蟹而化 經日熱淫于內治以鹹寒故主胸 热 也面腫者陽

面

腫

眄

後文所載諸種始有大毒耳外骨內肉陰包陽

也

然今人多食之卒無害其有毒者大抵形質怪異

欠にりょうから

神農本草 經 疏

金りしたノー 能破胞墮胎 為水燒之可集鼠于庭此物性之 微炒納入瘡中筋即連也 日華子産後肚痛血不下者以酒食之筋骨折傷 其義也愈添痞者以其能解漆毒故也爪性迅利 以蟹螯同白及末搗塗以合為度 "提炒署之 主治祭互 也 陳藏器續斷絕筋骨去殺同黃 寇宗奭小兒解顱 相感相制莫能究 唐瑶經驗方 揾 州 故 爛

欠こううという 節 蟹即 流 之令死者出生者安神驗用蟹爪一升甘草二尺東 日内骨肉谷谷有聲即好 合烊顿服或分二服若人困不能服者灌入即 脫離生蟹搗爛以熱酒傾入連飲數碗其查塗半 簡 水一斗以章新煮至二升機去洋入真阿膠三兩 千金方神造湯治子死腹中或雙胎 解 誤 胡洽方治母婦僵仆胎上槍心有蟹爪湯 神農本草經疏 董炳驗方中輝色毒食 灰 一生服 活

蟬 **散味鹹甘寒無毒主小兒癇女人生子不出灰服之** 有 蟹性冷能散血熱為病故跌撲損傷血熱瘀滯者宜 解 可解之不可與柿及荆芥食發霍亂動風木香汁 可食能害人被其毒者冬瓜汁紫蘇蘇政盧根汁皆 之岩血因寒凝結與夫脾胃寒滑腹痛喜熱惡寒之 人成不宜食有獨盤獨目兩目相向六足四足腹下 毛腹中有骨頭背有星點足斑目赤者並有毒不

釒

ただと

ここうちんに 主久痢一名枯蟬一名金牛兒凡用 鶴癇是矣其主婦人生子不下者取其既脫之義治 瘡癣出不快及今人治頭風眩暈皮膚風熱痘虧作 除風熱故陳藏器主啞病寇宗奭主目昏障翳小兒 性善蜕能脫翳障其體輕浮能發瘡虧其味甘寒能 疏〇蝉稟水土之餘氣化而成形其飛鳴又得風露 久痢者以其有甘寒之功也其鳴清響能發音聲其 之清氣故能入肝祛風散熱如樂性論主小兒壮熱 神農本草經疏 洗

丹砂茯神珍珠牛黄殭蠶天竺黄鉤藤鉤犀角琥珀 莉花夜明沙生地黄,黄連女貞實治目旨障翳 同羚羊角密蒙花白蒺藜草决明木贼草榖精草甘 證皆以其有如上諸功能也 痒疔腫毒瘡大人失音小兒噤風天吊觽哭夜啼 全蝎治小兒風熱急騰癇病 麥門冬連翹金銀花治痘瘡血熱出不快 主治祭互 同犀角生地黄紫草 同石膏 5

金らびたんき

火つのうべる 癢蟬蛻三七枚炙甘草各一錢水煎服 目亦腫腎膜疼痛昏潘內外障翳成治之用蟬蛇殼 劇局方蟬花散治肝經總熱風毒之氣內搏上攻眼 後目翳蟬蛻為末每一錢年肝煎湯下日二服 辰砂少許亦可半治天吊騰啼 思崇以蟬蛇下半截為末每一字釣縣湯調下或 治大人小兒痧疹 鼠黏子赤捏木薄荷元参甘草葛根栝樓根麥門冬 神慶本草經疏 普齊方治小兒夜啼不出狀若 全切心鑑症瘡作 錢氏方痘 和

烏賊魚骨味鹹微温無毒主女子漏下 腫令人有子又止瘡多膿汁不燥 陰 金りしん 清 蝕腫痛寒熱癥瘕無子騰氣入腹腹痛環臍除中 疽疹虚寒證不得服 黄芩曼荆子川芳木賊草荆芥等分為末每二錢茶 精草刺蒺藜甘萷花防風草次明蜜家花甘草羗活 簡談 湖食後臨臥各 服 卷二十 烏一 鰂名 肾 海螵 赤白經汁血 岩 峭 墨 魚名 寒 開

人とうういかか 臍者蓋肝屬木主騰騰入肝膽則榮氣不和故腹痛 温無毒入足厭陰少陰經厥陰為藏血之臟女人以 疏〇鳥賊魚骨稟水中之陽氣以生故其味鹹氣微 為藏精之臟主隱曲之地虚而有淫則陰蝕腫痛虚 血為主虚則漏下赤白或經汁血閉寒熱癥瘕少陰 **諸證除精血足令人有子也其主騰氣入腹腹痛環** 肝傷則血枯無孕鹹温入肝腎通血脉而去寒淫則 而寒容之則除中寒腫男子腎虚則精竭無子女子 神農本草經疏

金げして 肾 前後血病名曰血枯得之年少時有所大脫血或醉 觚 至則先聞腥臊臭出清液先唾血四肢清目眩時時 **甕多膿汁也按素問云有病胸脇支滿者妨于食病** 環臍也入肝膽舒榮氣故亦主之温能條淫故又主 分為女人崩漏下血之要樂可知美 入房中氣竭肝傷故月事衰少不來治之以四鳥 魚汁所以利腸中及傷肝也觀此則其入厥陰 一處站為末九以雀即大如小豆每服五九飲 血 **レ**ス 鰂

5 C. Jound Midwa 贼骨浦黄各等分炒為末塗之 聖惠方赤白目翳用烏鯛骨一兩去皮為末入片腦 **炎子大每一丸含化** 字為末以縣杖絞淨吹入 少許點之 鯁在喉鳥賊魚骨橘紅焙等分為末寒食髮和傷 及膿海螵蛸乾臙肢為末油調搽之 主治祭互 溶察方底耳出膿海螵蛸半錢麝香 神養本草經疏 簡便單方舌腫出血不止鳥 聖惠方小兒臍磨出血 聖濟總録骨 九

精 金りしたとこ 原蠶蛾雄者有小毒主益精氣强陰道交接不倦亦止 事止泄精尿血暖水臟蓋取其性淫助陽鹹温 其氣味鹹温血病多熱者勿用 温熱故能强陰益精令交接不倦也日華子主壯陽 為 疏〇原鑑蛾乃是晚鑑第一番出者其子再復出者 簡誤 二盤此二盤之種其蛾性最淫出繭便雄味鹹氣 腎

とこり 言へこう 止之 筋頭用原蠶蛾炒石葦等分為末乾貼寢 為末盛九格子大每夜服一九可御十女以菖蒲酒 少年陰痿由于失志者不宜用陰虚有火者咸忌之 之功耳 千金方丈夫陰痿不起未連蠶蛾二升去頭翅足炒 筋誤 主治祭互 聖濟總録玉枕生瘡生枕骨上如癰破後 神農本草經流 <u>+</u> 如

金少正 諸節不随皮膚頑痺腹内宿冷瘀血腰脚冷疾炒熱 **晨偏風筋骨癱緩丰足不随等證** 腸鳴者水火相 療風淫之病如陳藏器以之妙黄袋盛浸酒去風緩 疏〇原鑑沙即晚鑑所出屎也其味辛甘氣温無毒 一
次
潤 主 展温無毒主腸鳴熱中消渴風痺癮虧 二治然互 之盤屬火其性燥燥能勝淫去風故其沙 觸也甘以和之消渴者中氣燥熱也 盤即 沙原

人口りらいたう 錢 浴避風 郵作痒成瘡用鑑沙! 寇氏法治諸風冷用醇酒三升拌鑑沙五斗飯蒸于 問令露頭面如未全愈問日再作 **煖室中鋪油單上令患風冷氣痺及近感癱風人就** 以患處一邊卧沙上厚葢取汗若虛人須防大熱昏 簡誤 儒門事親婦人血崩鑑沙為末酒服三 神慶本草經疏 一升水五斗煮取二斗去浑洗 聖惠方風極瘾 <u>Б</u>.

金りしんと 尴 用者 雖東 血 退得難氣之 疏〇鑑退 退 癱 為主故尤益婦人 相方 Ì, 那侵 其義猶蟬蛇 緩筋骨不隨由于血虚不能榮養經絡 近諸 业 當醫 風 犯者不宜服 病益 以用 如 /餘故能 娜 鲵老 蜕 曏 也 皮盤 啦 為眠 蜕 治 正起 也近世以 血風病 之 用所 名 類 之蜕 馬 各因 微皮 萌 血熱則 时功 退 療痘疹去 其本質以為 出近 世 鱃 階 生 風婦 殼家 而無風 日中 在多 紙用 用 蓝 瀅 上初

Control of the Contro 白殭難味鹹辛平無毒主小兒驚癇夜啼去三蟲減黑 婦 治口療 排膿穿毒瘡口 大含化燃津 集驗方走馬牙疳用蠶退紙灰入麝香少許 簡誤 人血虚無風淫者不宜用 主治祭互 又方治纏喉風豔蛇紙燒存性蜜丸炎實 **醬巴出蛾取退煅存性為末服之能** 神慶本草經疏 4

丘 默令人面色好男子陰傷膽病女子崩中赤白産後餘 痛滅諸瘡瘢痕 げん 散風寒温能通行血脉故主如上諸證也肺主皮毛 白風熱乘肝臟也產後餘痛風寒入血分也辛能祛 疏〇盤屬陽而殭者又兼金木之化本經味鹹別録 氣味俱薄浮而升陽也入足厭陰手太陰少陽經厥 **陰為風木之位主藏血小兒騖癇夜啼女子崩中** 卒平無毒然詳其用應是辛勝鹹劣氣微温之樂也 U 近台 欠い 可事へいう 痒痛女子帶下蘇頌治風喉痺欲絕元素主皮膚諸 汗日華子主中風失音一切風症小兒客件男子陰 蟲亦淫熱所化故又能去 三蟲也藥性論治口哄發 絡發散諸邪熱氣也 風如蟲行皆取其性屬陽風熱為陽邪能入皮膚經 風溼浸淫也辛平能散風熱兼能燥湮是以主之三 故能減黑點及諸瘡瘢痕令人面色好也男子陰瘍 而風邪客之則面色不光潤辛温入肺去皮膚諸風 神農本草經疏 t

乞ちしんさき **黄蟬吮治小兒急騰客午** 錢用竹瀝加姜汁調灌得吐頑痰立効小兒加薄荷 風痺用白殭蠶炒白君半生半炒等分為末每以 同丹砂牛黄糖星全蝎麝香鉤藤鉤犀角金箔天竺 風 令舌强唇青撮口發噤用白殭蠶二枚去嘴略炒為 面黄赤氣喘啼聲不出由胎氣挟熱流毒心脾故 方用白梅和九綿襄含之 王治祭互 卷二十 仁存方開闢散治急唉 聖惠方小兒最口噤

成膏却以殭蠶一兩去頭足安蒜上碗覆一夜勿令 驚風並用大蒜七個先燒紅地以蒜逐個于地上磨 诚諸瘡瘢痕白殭蠶衣魚鷹屎白等分傅之 泄氣只取殭蠶研水每用啥鼻口內含水有効 方瘾疹風瘡疼痛白殭蠶焙研酒服一錢立瘥 似磚自灰殭蠶白馬溺不過時刻軟如綿 方治腹内龜病詩云人間龜病不堪言肚裏生成硬 末蜜調傅唇中甚効 普濟方治大人頭風及小兒 樂性論 聖惠

次足四年全日 三

神農本草經硫

<u>+</u>

中産後餘痛非風寒客入者亦不宜用今世治小 騰風不問虚實 血虚經絡勁急所致而無外邪為病者忌之女子崩 兒宫氣方小兒口瘡通白者白殭蠶炒為末審和傅 邪凡中風口噤小兒驚痼夜啼由於心虚神魂不寧 之劾兼治風疳飯瘡 殭蠶性辛温辛能散其功長於祛風化痰散有餘之 簡誤 概混施誤甚誤甚 纪

もらし

ر انتائیا انتائیا

巷二十

欠こり事を与 甚不可食重三四斤及水行品頭者不可食妊娠 殺諸蟲之驗可證矣腹下有黑斑背上有白點者毒 烟辟蚊熏屋舎竹木斷蛀蟲置骨于衣箱中斷盡共 龜故骨然勞察及五痔瘡獲人常食之有大益也燒 類蛇常與水蛇同穴故其性有小毒甘寒而善能殺 疏〇鰻鱺魚稟土中之陰氣故其味甘其氣寒其形 鰋魚味甘有毒主五痔瘡濅殺諸蟲 之今胎有疾脾胃薄弱易泄者勿食 神農本草經確 + 食

及騰癎 耳宸 蛞 血 經口清静則內腠閉拒 輸味鹹寒無毒主賊 疏〇蛞蝓蝸牛稟陰溼之氣而生故味鹹氣寒無 **断竭陽氣躁擾則凑理不密賊風乘虚而入** 動中于 味鹹寒無毒主賊 無蛞 たでも 別輸 經絡故唱 惟蝸 形牛 質本 稍經 風唱 僻 各ニト 風唱 異分 雖 故二 大 併條 僻 僻 縮軼筋筋急所自來矣 風奇毒弗 軼筋及脫 腕 為令 跌 桉 蝸其 大 腸 氟 牛 能害也 負 味 下脫 肛驚痛學縮 殷相 肛筋 蛅同 風 如 輸主 隂 無療 急

傅立縮 聖惠方治大腸因熱脱肛用蝸牛一兩燒灰猪脂和 路 除諸熱所以主之蜈蚣性畏二物不敢過其所行之 脫 則筋脉舒緩經絡通達而諸證除矣驚癇者風熱也 風為陽邪筋脉得之皆燥急鹹寒能益陰潤燥軟堅 觸其身即成故人取以治蜈蚣毒 主治祭互 肛者大陽熱也脫跌者血脉傷必發熱也鹹寒總 濟生方痔瘡腫痛用蜗牛一枚入麝香心

欠こうととう

神農本草鯉硫

ナハ

金りしんとう 媊 或燒灰傅亦可 其氣大寒非直有風熱者不宜用小兒薄弱多泄者 許以碗風次日取水塗之丹溪方用蝸牛浸油塗之 掃傅瘡上日十餘度 不宜用 以新汲水一盏瓶内封一宿取涎水入真蛤粉旋詢 簡誤 「箇研泥入片脳 集驗方發背初起活蝸牛二百箇 卷二十 字熊脂坯子半錢同傳之 大全良方序熱腫痛用大蛞

ノス.アライルカ 股五臟者及喉痺結塞一名 熱通利血脉及九竅女子月水不通積聚除賊血在胸 疏〇蜚重其用大略與虚蟲相似而此則若勝若能 泄結性善囓牛馬諸畜血味應有鹹鹹能走血完素 塞咽喉故主喉痺結塞也今人以其有毒多不用然 病如經所言也苦寒又能泄三焦火邪迫而上壅 云茧飲血而用以治血故主積聚癥瘕 中農本草無既 切血結為 九 閉

蜚玄味苦微寒有毒主逐瘀血破下血積堅痞癥寂寒

金ラレア 賊不如是不足以祛邪反正書曰若樂不順眩厥疾 宿血結積有神効也凡毒藥之治病如刑罰之治盗 兩 仲景抵當湯丸大黃塵蟲丸中咸入之以其散臟腑 不瘳正此謂也其與病相非不宜用者詳著簡誤中 大黃盛蟲九治虚勞羸瘦腹內有乾血肌膚甲錯 目黯黒 小便自利其人如狂者 主治祭互 /: TE 入抵當湯治太陽病身黄脉沈結少腹 備急方撲墜瘀血重蟲

盛 縣城寒有毒主心腹寒熱洗洗血積癥寂破坠下 非畜血也不宜用瘀血未審的者不宜用女子月水 傷寒發黃脉沈結少腹鞭如小便不利者為無血證 形質瘦損者忌之 宜用孕婦腹中有癥瘕積聚不宜用凡病氣血虚甚 不通由于脾胃薄弱肝血枯竭而非血結閉塞者不 十枚牡丹皮 簡誤 两為末酒服方寸匕血化為水也

火に可事にう

神農本草經疏

7

金りした人 血閉生子大良一名地鼈 心腹血積癥瘕血閉諸證血和而樂衛通暢寒熱自 之用互乖而寒熱洗洗生馬鹹寒能入血軟堅故主 暗之氣故其性有小毒以刀斷之中有白汁如漿凑 溉百骸周流經絡者也血若疑滞則經絡不通陰陽 有奇効乃足厭陰經樂也夫血者身中之真陰也灌 接即連復能行走故令人以之治跌撲损傷續筋骨 疏○塵蟲生於下溼土壤之中故其味鹹氣寒得幽 起二十

欠こうここ人iden 黄 頭骨治跌撲損傷神効 **煮取二合温服當下血也** 婦 同自然鲖血竭乳香沒藥五餘錢黃荆子麻皮灰狗 除經脉調勻月事時至而令婦人生子也又治應母 為以用之藥 腹痛有乾血用塵蟲二十枚去足桃仁二十枚大 主治祭互 一兩為末鍊蜜杵和分為四九每以 神農本草經疏 仲景方大黄盛蟲丸治産 仲景鼈甲煎丸治久瘧 九酒 7 升

青魚膽主目暗滴汁目中并塗惡瘡 在方丘匠人 成癖 疏〇青魚膽色青象 木氣通于肝肝開竅於目故能 許為末每服三分入土鼈末以酒調下須先整定骨 臨時旋研入乳香沒樂自然銅龍骨各等分麝香少 乃服否则接挫也又可代杖 無瘀血停畱者不宜用 簡誤 董炳集驗方治跌撲閃挫用土難陰乾 個

アミコ車 とこち 龍木論 膳各半兩熊 膽二錢龍 點香少許石决明一兩為末 龔氏易簡方治亦目障翳用黃連熬膏入大青魚膽 能治目暗味苦氣寒能凉血熱故又主塗惡瘡也 蜜丸梧子大每空心茶下十九 **痺用膽君盛青魚膽中陰乾每用少許吹喉取** 和就再入片腦少許瓶収塞封每日點之甚妙 主治祭互 切障翳魚膽丸用青魚膽鯉魚膽羊膽牛 神農本草經疏 萬氏家抄乳蛾喉 Ī 吐


金りしたとこ 為鮝灸食之主消瓜成水亦主卒腹脹食不消暴下 之亦燒為灰末服和尊菜作養開胃益氣候乾食之名 石首魚味甘無毒頭中有石如碁子主下石淋磨石服 胃屬土甘為上化故能開胃胃氣開則飲食增五臟 目病非風熱盛而由于血虚昏暗者不宜用服术 疏〇石首魚得海中水土之氣故其味甘氣平無毒 不可食青魚肉 簡誤 痢

鱸魚平補五臟盆筋骨和腸胃治水氣多食宜人 寬中消食止痢頭中石堅重下走故主下石淋也凡 氣平雖有小毒不至發病乃與脾胃相宜之物也腎 疏〇鱸魚秋月方美其得水中之清氣者乎味甘淡 皆得所養而氣自益矣乾養其性疎利故能入腸胃 忌蓋養飲鹹水而性平不熱且無脂腻不惟少熱中 泄痢腹痛與夫腸胃諸疾惟忌油膩魚腥惟白養不 之患更有消食理胖實腸胃之功也

父子ううにきら

神農本草經疏

Ť



火己回車をす 欽定四庫全書 蟲魚部中品 神農本草經疏卷二十二 總 蛇 蛤 蝦蟆 蜕 蜊 粉 種今疏其要者十六種 附 孙霞本草經疏 白頸 蟾酥 蚶 殻 蚯 附 蚓 明 移布 壮鼠粪 蚺蛇膽 蜈 蚣 雍 撰

蜍 患熱病療陰蝕疽竊惡瘡繝犬傷瘡能合玉石 蝦蟆味辛寒有毒主邪氣破癥堅血癰 年りしたとう 通 疏〇蝦蟆蟾蜍本是二物經云一名蟾蜍者蓋古 稱蟾為蝦蟆 五靈脂 田中螺汁 蛤 蚧 耳經 文雖名蝦蟆其用實則蟾蜍 白花蛇 鹎 水蛭 附烏 蛇 盤孟 鯪 蜣螂 腫 陰瘡服之 鯉 甲 一名蟾 不

者皆熱毒氣傷肌肉也辛寒能散熱解毒其性急速 病退矣破殿堅血者亦以其辛寒能散血熱壅滞也 **稜皮汁中其主癰腫陰瘡陰蝕疽肅惡瘡糊犬傷瘡** 金之精氣上應月魄性亦靈異其味辛氣寒毒在眉 今世所用者皆蟾蜍而非蝦蟆其功益可見矣稟土 主除熱故能使邪氣散而不留邪去則胃氣安而熱 疫邪氣得汗則解其味大辛性善發汗辛主散毒寒 以毒攻毒則毒易解毒解則肌肉和諸證去矣凡瘟

欠こりちへはう

神農本草經職

色はくしたという 空心米飲下三四十九日二服 全嬰方五疳保重丸治五疳八痢面黄肌瘦好食泥 陶隱居云其肪塗玉則刻之如蠟故云能合玉石近 土不思乳食用大乾蟾蜍 世治小兒疳疾多用以其走陽明而能消積滞也 牙疳侵蝕口鼻乾蚵蚾黄泥裹固煅過黃連各二錢 主治祭互 錢燒存性蛤粉水雅三錢麝香一分糊九果米大 枚燒存性皂角去皮弦 鄭氏小兒方走馬

いている 蜷蜍後足搗爛水調服之先於頂心拔去血髮三兩 **糁四遍以前膏贴之** 待疑如膏先以桑根皮烏頭煎湯洗拭乾煅龍骨末 骨壞瘡久不瘥膿汁不已或骨從瘡孔中出用大蝦 重者以活蟾 半青黛 可聞再易三四次即愈 箇別髮 1 錢入麝香少許和研傳之 一雞子大猪油四兩入二物煎枯去浑 個破開連肚乘熱合瘡上不久必臭 川農本草經號 醫林集要發背腫毒初起勢 袖珍方治風犬傷即 錦囊秘覽附 甪

西方正人 手書 家所主但言其有消疾殺蟲温暖通行之功然其味 腰腎冷并助陽氣蘇頌云主即牙及小兒疳瘦觀諸 大治小兒疳瘦每日一九如腦疳以乳汁調滴鼻中 蜷 為拔疔散毒之神藥第性有毒不宜多用入發汗散 辛甘氣温善能發散一切風火抑鬱大熱癰腫之 日華子云眉酥治蚛牙和牛酥摩傅腰眼并陰囊治 酥甄權云端午日取眉脂以朱砂麝香九如麻子 則小便内見沫也 をニーニ 候

ウハここり・スートなる **牲白殭蠶麝香黄蠟溶化作丸麻子大用葱頭白酒** 吞下取汗不過二三小九 氏方拔取疔毒蟾酥以白麵黄丹搜作劑每丸麥粒 酥以麵丸梧子大每用一九安舌下即黄出也 前樂其疗根即爛出 同鐵編桑硇麝香牛黄氷片用金鹹鍼入疗根抹 毒藥中服者尤不可多 主治祭互 神農本草經疏 治疗丸同硃砂氷片牛黄明 青囊雜暴拔取疗黄蟾 危

金江区屋之 蟾雖有毒與病無害其眉酥有大毒不宜多服諸家 蟾酥 四錠 麥大每用 開用筆熊乘熟令人不住手周圍潤之以散為度 取蟾酥三五分廣膠一 簡誤 ,挑破納入仍以水澄膏貼之 錢白麵二錢殊砂少許井水調成小錠子如 萬氏家抄凡癰疽發背無名腫毒初起者急 一錠葱湯服汗出即愈如瘡勢緊急用 卷二十二 塊米醋一 一二碗入鉳内火化 保命集一 切瘡毒

成云治小兒疳瘦恐非正治不宜漫用也即用亦煅 過者予親見一人因齒痛以蟾酥納牙根與吞入頭 痛異常不可不知也 同 無過三釐慎母單使必與牛黃明君乳香沒樂之類 其劑亦甚小不能為害耳外治殊有神効若欲内服 炶 目 俱服大而斃即陷注云其皮汁甚有毒犬臨之口 用之乃可如愈已潰欲其生肌長肉之際得之作 腫之驗也惟疔腫服之者取其以毒攻毒之義然

KILDING KILING

神農本草經疏

ħ

杜鼠粪做寒無毒主小兒痼疾大腹時行勞復 屎鼠 復者皆邪熱在陽明也苦寒能除是經之熱所 熱軟堅泄結走肝入胃之功耳 其所自應是苦鹹之物蓋鼠屬水而凡粪必苦者也 之古方治男子陰易腹痛婦人吹乳乳癰皆取其除 疏〇壮鼠粪本經諸家不言味但云微寒無毒然詳 足陽明足厥陰經其主小兒痼疾大腹及時行勞 是踬 主 牡尖

タイプ・ローラー などう 劾 同白芷山茨站山豆根連翹金銀花蒲公草夏枯草 **貝母橘葉枯樓根紫花地丁牛旁子治乳癰乳岩有** 者十四枚韭白根一大把水二盏煎1盏温服得黏 水二升煮一升頓服活人書加梔子葱白 汗為効未汗再服 '書男子陰易及勞復猴鼠屎湯用猴鼠屎兩頭尖 主治祭互 外臺秘要傷寒勞復用雄鼠屎二十枚改五合 集要方婦人吹奶鼠屎七粒 孙農本草經珠 南陽活

蛤 金はし、たべる 寒熱者及婦人血塊煮食之 疏〇蛤蜊稟水中之陰氣以生其味鹹魚冷無毒 峢 故 立劾 治乳癰初 陽明 冷無毒潤五藏止消渴閉胃解酒毒主老癖能為 七枚去挾包屎燒存性入麝香少許温 不著簡誤 經五臟皆屬陰得水氣之陰者其性滋潤 除傷寒勞復陰易及乳癰乳岩外他用甚稀 把 普濟方大小便 卷二十 私雄鼠屎末傅臍中 酒 調 服并 而

りつこう いき へいう 鹹能軟堅潤下得之則火自降疾結自消矣疝氣 證之要樂蓋疾未有不由火氣上炎煎熬津液而成 疏〇此即始殼煅成粉者其味寒氣寒無毒為諸痰 氣白獨帶下同香附末薑汁調服主心痛 獨帶下皆腎經為病也腎屬水鹹為水化氣類相從 故主婦人血塊及老癖為寒熟也煮食更能醒 蛤粉丹溪云味鹹寒無毒主熱痰淫痰老痰頑痰疝 助津液故能潤五臟止消渴開胃也鹹能入血軟堅 1 神農本草經疏 酒 白

金月日ルグ言 傷瘡等用 普濟方氣虚水腫用大蒜十箇搖如 故能入肾以除其所苦也心痛者心虚而熱邪客之 也 也五臟苦欲補寫云心欲 更有消浮腫利小便散寝被腫毒婦人血塊湯火 潔古方治白濁遺精真珠粉丸用蛤粉煅一斤黄 主治祭互 大每食前白湯下二十丸服盡小便下數桶 軟急食鹹以軟之此之 泥入蛤粉丸 而 调 梧 愈

次足口事全時 **蚶温主心腹冷氣腰脊冷風利五藏健脾令人能食又** 善消痰積血塊然脾胃虚寒者宜少用或加益脾胃 肉氣味雖冷乃與丹石人相反食之令腹結痛殼粉 樂同用為宜 蘖蜜炙一斤為末水跌為九梧子天每服一百九空 而降心火坠腎故也 心温酒下日二次盖蛤粉味鹹而能補腎陰黃蘇苦 簡談 神農本草裡疏

埋令壞醋膏九治一切血氣冷氣癥癖 云温中消食起陽鉦血色 溪用以消血塊化。痰積以此也近世糟其肉為侑 華 日裏不足者以甘補之又日形不足者温之以氣甘 疏〇州得水中之陽氣故其味甘氣温性亦無毒經 俱瘳矣胃健則食自消臟暖則陽自起氣充則 温能益氣而補中則五臟安胃氣健心腹 也殼味鹹走血而與堅故能治 12 12 殼燒過以米醋三度淬後 血氣冷氣癥結 腰眷風冷 血自 涧 丹

V.1 122. 蚺蛇膽味甘苦寒有小毒主心腹蟲痛下部蟲瘡日腫 痛 味苦中有甘氣寒有小毒氣薄味厚陰也降也 疏〇蚺蛇稟火土之氣其膽為甲乙風木之化故其 著主治及簡誤 之物罕有入樂者殼惟內 陰足歌陰陽明經心腹蟲痛者蟲在內攻臨也 **騷瘡者龜在外侵蝕也淫熱則生蟲若寒能娯溼 砂農本草經疏 癥癖之外無他用故並不** 手

多好匹尼 全書 皮灰丹砂作丸臨杖服一丸護心止痛多杖無害 得不死其功能護心止痛使惡血不上薄心有神力 同 殺蟲故內外施之皆得也肝開竅於目肝熱則 聖惠方小兒急疳瘡水調蚺蛇膽傅之 也 痛入肝泄热則腫痛除矣令人受杖時用此噙化 血竭乳香沒樂狗頭骨灰廣蟲天靈蓋象牙末麻 主治祭互 をニナ 醫方摘要 E 可 腫

蛇蜕味鹹甘平無毒主小兒百二十種紫瘤瘿癡癫疾 瘡嘔欬明目火熬之良 寒熱腸痔蟲毒蛇癎弄舌摇頭大人五邪言語僻越惡 77.75 痔瘡腫痛蚺蛇膽研香油調塗立効 簡誤 狹長通黑皮膜極薄舐之甜苦剔取栗計着淨水中 浮游水上回旋行走者為真其徑沈者非也勿多着 亦沈散也今世惟為受杖人所需餘甚稀使故不著 Like 神魔本草經跡 真膳絕難得

金安正尼 年書 翳膜者亦取其善脱之義也 攜癇與擬癲疾寒熟蛇,癇弄古搖頭大人五形言語 性上竄而主風蛻之用入肝而辟惡其性一也小 惡瘡邪去木平故止嘔欬明目今人亦用以惟生去 僻越皆肝經為病邪惡侵犯也蛇蜕走竄能引諸樂 疏○蛇蛻蛇之餘性猶存不以氣味為用者故蛇之 肝散邪故主如上等證善能殺蟲故主腸痔蟲毒 主治祭互 卷二十二 兒

クノこしロ こんこよう 横生逆生須臾不救用蛇妖 定米泔水煮食屢試報効真奇方也 肘後方治小兒頭面瘡蛇蛇焼灰雕猪脂和傅之并 治小兒月蝕 少許即順并能下胞衣 七寸燒末酒服 並燒存性分二服酒下仍以小鹹刺兒足心擦鹽 條燒焙天花粉五錢為末以羊肝破開夾藥 周密齊東埜語云小兒痘後障翳蛇 孙農本草經城 千金方諸漏有膿蛇蜕灰傅 産乳方婦人吹乳蛇皮 具雌蜕十四菌髮 濟生私覧治

蠱毒殺長蟲仍自化作水療傷寒伏熱狂謬大腹黃疸 金りロん 白頸蚯蚓味鹹寒大寒無毒主蛇瘕去三蟲伏尸鬼蛀 即 内奔走或血水流出或氧痛不可忍者蛇蜕皮燒存 性 存性雞子清和傅 小兒騰癇藏疾非外那客忤而由於肝心虚者不効 研 簡誤 **蟲出** 細熱斜吹入即愈 1 直指方魚臍瘡出水四畔浮浆用蛇蛇焼 醫方摘要耳忽大痛如有蟲在 卷二十二

症 ソニラ 時たい 謬鹹主下走利小便故治大腹黄疸諸蟲瘕咸屬淫 能法熱邪除大熱故主伏尸鬼疰及療傷寒伏熱狂 熱狂謬之明驗也 同 亦解矣昔一道人治熟病發狂用白頸蚯蚓十數 熱所成得鹹寒之氣則瘦自消蟲自去而盡毒之熱 疏〇蚯蚓得土中陰水之氣故其味鹹寒無毒大寒 荆芥 名土龍畏怒盟 穗搗汁與飲之得臭汁而解其為治傷寒伏 神殿本草經疏

金りしん 肘後方傷寒熟結六七日狂亂見鬼欲走以大白 荆 葱内化水點之立効 濃汁半碗服立通 蚯 去血再洗三四次用韭菜地上蚯蚓 蚓半斤去泥用人尚煮汁飲或生紋汁 主治祭丘 方小便不通因淫而得者用蚯 根 下段煎湯温洗良久看瘡破紫黑處以針 勝金方耳卒聲閉蚯蚓入鹽 を二十二 保命 集瘰癧潰爛流串者 断狼爛 把五更時收 浸水濾 亦可 安 카 頸 刺 取

シへこり・こくこう 蜈蚣味辛温有毒主鬼疰蠱毒噉諸蛇蟲魚毒殺鬼物 錢穿山甲九片炙為末麻油調傅之神効 在所思性復有小毒被其毒者以鹽水解之 业 取炭火上燒紅為末每 疸緣大勞腹脹屬脾腎虚尸疰因陰虚成勞瘵者咸 躁者不宜用温病無壮熱及脾胃素弱者不宜用黃 簡誤 **蚓氣大寒能除有餘邪熱故傷寒非陽明實熱狂** 神農本草經疏 匙入乳香没樂輕粉各半

足者良 金少口 老精温應去三蟲療心腹寒熱結聚墮胎去惡血赤 走竄辟 結温主通行故又治心腹寒熟結聚墮胎去惡血 上瞰其腦准南子云騰蛇游霧而殆於卿 屬陽之毒蟲足厥陰經樂也善能制蛇見大蛇便緣 疏〇蜈蚣禀火金之氣以生故其味辛氣温有毒乃 业 一故本經主啦諸蛇蟲魚毒及去三蟲蠱毒也性 那所以能療鬼疰温瘧殺鬼物老精辛主散 名名 天鄉 龍蛆 蛆 IE. 指 復 頭 此

つんこうあしんとう 月以還必發蛇瘴惟赤足蜈蚣鼠能伏蛇為上樂白 之鄉多毒蛇氣人有不伏水土風氣而感觸之者數 屑能去通腸漏管直指方瘭瘡 便毒痔漏等證皆用之 金頭蜈蚣得牛角腮象牙末猪懸蹄刺蝟皮田螺蛀竹 今世又以之治小兒騰癇風搖臍風口噤與夫瘰癧 主治祭互 聖濟總録云扇南外蛇瘴一名瑕喉瘴項 神農本草種頭 一名蛇瘴蠻烟瘴雨 +

金八旦屋上 足炙研末以猪乳二合調半錢分三四服温灌之 蜈蚣性有毒善走竄小兒慢騰風口噤不言大人温 经治初生小兒口噤不開不能乳者用赤足蜈蚣去 便毒初起蜈蚣 奇効良方天蛇頭瘡生手指頭上用蜈蚣一條燒烟 大腫痛連喉用亦足蜈蚣一 簡談 二次即愈或為末猪膳汁調塗之 | 條瓦上焙存性為末酒調服 二節研細水下即愈 濟生私覧 劾 圖

火三五年へら 肉 膿将潰成在所忌性畏蛞蝓不敢過其所行之路能 **造人痛甚以蛞蝓搖塗之痛立止蜈蚣能治龍蛇** 瘧 禽之制在氣也凡使勿用千足蟲真相似但蜈蚣腰 反畏蛞蝓蜘蛛即 也 非烟巒瘴氣所發心腹積聚非蟲結蛇瘕便毒成 面並嘴尖可別若誤用并把看腥臭氣入項能殺 段無脚所以能納而彈遠為異又云頭上有白 1 莊子所謂物畏其天陰符經所謂 神農本草經疏 ቷ 而

即 四 曰蛤蚧最護惜其尾或見人欲取之多自醬斷其尾人 五寸尾與身等形如大守宫一 下冰瀝通水道生嶺南山谷及城牆或大樹間身長 蚧味鹹平有小毒主久肺勞傳尸殺鬼物邪氣療咳 疏〇蛤蚧得金水之氣故其味鹹氣平有小毒入手 瀝者皆肺肾為病勞極則肺腎虚而生熱故外邪 不取之凡採之者須存其尾則用之力全故 陰足少陰經其主人肺勞傳尸鬼物邪氣软嗽淋 をニナニ 一雌 雄常自呼其名 也

ノニノーラ こう **曝乾售之煉為房中之藥甚効尋常捕者不論雌** 呼累日情治乃交兩相抱負自墮於地人往捕之 脉通調水道下輸膀胱肺氣清故淋瀝水道自通 得所養而勞熱咳嗽自除邪物鬼氣自去矣肺調 侵内證兼發也蛤蚧屬陰能補水之上源則肺腎皆 又顧玠海槎録云廣西横州甚多蛤蚧牝牡上下 不知覺以手劈分雖死不開乃用熟稿草細纏熬 可為雜樂用 1 神農本草里流 亦 相 也 百

金け、口屋とい **咳嗽由風寒外邪者不宜用雷公曰其毒在眼須** 眼 羚羊角各二錢半用河水三升銀石器內文火熬至 寇氏行義治久嗽不愈肺積虚熱成癰出膿血曉夕 不止喉中氣塞胸膈噎痛用蛤蚧阿膠鹿角膠犀角 簡 及甲上尾上腹上肉毛以酒浸透隔兩重紙緩焙 主治杂互 濾汁時時 誤 仰臥細呷日 卷二十二 服 去

アノ・シロラームショ 積聚無子利水道又墮胎版 水蛭味鹹苦平微寒有毒主逐惡血瘀血月開破血瘕 傷尾 閉 毒其用與玄蟲相似故仲景方中往往與之並施 疏〇水垤生於溪澗陰溼之處其味鹹苦氣平有 令乾以斃器成懸屋東角上一夜用之力可十倍 人血走血苦泄結鹹苦並行故治婦人惡血瘀血 血瘕積聚因而無子者血畜膀胱則水道不通血 ¥ 神農本草經疏 蟥名 月

金安正屋之一 散 鼈甲煎九消瘧母已上皆仲景方 龜九兼治虚勞骨蒸咳嗽內有乾血皮膚甲錯 胎 抵當湯治傷寒畜血下焦因而發狂 者以其有毒善吸血也 主治祭互 而膀胱得氣化之職水道不求其利而自利矣堕 两每酒服一錢當下畜血未止再服其效如神 打擊內傷神効水蛭一兩燒令煙出為末入麝香 古今驗録方墜

ラスピタラ かよう **蝕死肌破石癃血積傷人肌墮胎豆丹参坐青甘草** 盤孟味辛寒有毒主寒熱鬼疰盡毒鼠痿疥癬惡瘡疽 腹煅之若尚存性尚能變為水蛭臨人腸臟非細 水蛭芒蟲皆破逐瘀血血瘀發病之惡樂而水蛭 疏〇蟹重稟火金相合之氣故其味辛氣寒扁鵲云 物戒之可也如犯之以黄泥作丸吞之必入泥而出 也破瘀消血之樂儘多正足送用奚必用此難制 簡誤 神農本草垣疏

鱼りした とこ **蠱毒必非極车大毒之樂所能療此本經之誤甄權** 能走散下泄故主破石癃血積及墮胎也至於鬼疰 陽經性能傷肌肉蝕死肌故主鼠瘻疽瘡疥癬辛寒 走下竅也 主瘰癧通利水道以其能追逐腸胃垢腻複能破結 有大毒近人肌肉則潰爛毒可知矣入手陽明手 瘭癃用肥皂二片去校每肥皂一焚入蟹螯四枚 主治祭互 卷二十

かいこりを かき 每清晨一服白湯調下本人頭頂心必有紅髮二 為度随將二物研成細末加六一散三两分作七 後腹疼勿處此樂力追毒之故 末以肥皂搖如泥為九梧子大每服一錢白湯吞服 根要不時季霓拔去 發七箇去頭足並 題酒洗和淫糯米銅 母二兩栝樓根元參甘草薄荷葉各一兩五錢共為 綠縛蒸取出去盤強并肥皂皮筋得淨肉十兩入 神農本草經疏 經 驗方內消瘰癧不枸大 治顧犬咬方用蟹 村内炒米熟 十九 服 貝

金りした 復 臘茶下三九加至五九却每日减一九减至 去米入薄荷四两為末烏雞子清九如菜豆大空 爛 如 盤蓋性有大毒能潰爛人肌肉惟瘰癧癲犬咬或 日増 致 法暫施此物若煅之存性猶能嗎 簡 兒 誤 死即前二證亦不若用米同炒 用盤董一两去頭足翅以栗米一升同炒米 とこに 九以消為度 + 人腸胃發泡 **取氣而勿用質** 九 後 溃 可 ت 焦

火こりきんごう 田中螺汁大寒主目熱赤痛止渇 故能止渴及醒 味應甘性無毒陶隱居以真珠黃連末內入良久取 丹溪方治噤口痢疾用活大田螺二枚搖爛入麝香 **计點目痛神効以其寒能除熱也解** 疏〇田螺産於水田中稟水土之陰氣故其汁大寒 為稳餘證必不可餌切戒切戒 主治祭互 N 酒 神農本草經疏 一切有餘之

水搽之効 將雞翎熊水刷之以軟帛托上自然不再發 爪黃連研細末入醫內待化成水以膿茶洗淨肛 下三五寸者用大田螺二三枚将淨水養去泥用 と搖傅臍下一寸三分即通 三分作餅烘熱貼臍間半日熱氣下行即思食矣甚 生意痔漏疼痛用田螺一箇入龍腦一分在内 又方治小便不通腹脹如鼓用田螺一枚鹽 經驗方大腸脱肛 也 墜 雞

大きりられたとう 菂 白花蛇味甘鹹温有毒主中風溼痺不仁筋脉拘急口 面喎斜半身不遂骨節疼痛大風疥癩及暴風搔癢 斯尾 故其味雖甘鹹 疏〇白花蛇生於土穴陰霾之處稟幽暗毒厲之魚 不能久立一名赛鼻蛇白花者良出 目病非關風熱者不宜用 簡談 座有 也爪 甲 性則 有大毒也經曰風者百病之長 神農本草經疏 質新 白州 Ŧ 花龍 目頻 開虎 脚

金りにどろっ 諸風樂至病所自腑臟而達皮毛也凡痛風亦解唱 同苦參何首烏咸靈仙鼈蝨胡麻天門冬百部稀簽 僻 蹇本經著其功能信非虛矣 驅風膏治風癱癘風遍身疥癬用白花蛇肉四兩 漆葉刺蒺藜治廳風半遍身頑痺疥癬 善行而數變蛇性走竄亦善行而無處不到故能引 主治祭互 枸忌偏痺不仁因風所生之證無不籍其力以獲 醫型元式 : 酒

白花蛇散治大風病白花蛇鳥稍蛇各取淨肉二 威之蒸糯米一斗安麴於缸底置蛇於麴上以飯安 蛇上用物密蓋三七日取酒以蛇曬乾為末每服 急於暖處出汗十日効 五分温酒下仍以濁酒並糟作餅食之尤佳 治諸風應解用白花蛇 潤炙乾天麻七錢半薄荷荆芥各二錢半為末好酒 二升蜜四合石器熬成膏每服一盏温湯服日三服 一條酒潤去皮骨取肉絹袋 瑞竹堂經驗方白花蛇 潔古

父三百二十二十二百

Ą

神農本京經疏

金ケモノノニモ 然而中風口面唱斜半身不遂定緣陰虚血少内熱 烏蛇即鳥稍蛇氣味所主經白花蛇同第性善無毒 白花蛇性走竄有毒癘風疥癬頑痺等證誠為要 日 酒炙雄黄二錢大黄五錢為末每服二錢白湯下 耳修事亦同不復載色黑 而發與得之風淫者殊科非所宜也醫師宜幹之 簡談 服 浴者良 細

アノ・コラ いつこうこう 蜷娘味鹹寒有毒主小兒驚痼寒般腹脹寒熱大人癲 疾狂易并手足端寒支滿實脈 癩疾狂易皆肝胃大腸三經風熱壅砥所致鹹寒除 疏〇蜣娘稟陰溼之氣以生故其味鹹氣寒有毒 尾並骨俱有大毒須盡去之 |經之邪熟則諸證自廖別録主手足端寒支滿者 脾胃主四支而治中焦脾氣結滞則血液不能 | 厥陰手足陽明經小兒驚癇瘈疵腹脹寒熱大 小農本草理疏

金りにを 容七箇男用頭女用身螻蛄七箇男用身女用頭 本事方推車散治大小便經月不通欲死者用推 及丁腫疳瘡出箭鉄之用 坠入野故又主資豚也古今方書以之治 而氣逆支滿行三經之壅滯則所告减除矣鹹能軟 行灌溉於手足胃家熱壅及大腸結實則中焦不 "焙研末用虎目樹南向皮煎汁調服只一服立通 主治祭互 全走 卷二十二 切痔瘻 新

火こうら ショラ 麥搗傅 汁塗之 数用蜷眼心一 得丁瘡凡十四日益篤善樂傅之莫敢長慶買方伯 自 上托之即 水片少許為細末紙挑熊末入孔內漸漸生內樂 退出即愈 方大腸脫肛蝇娘燒存性為末入氷片研匀 劉禹錫暴柳州救三死方云元和十 廣利方無名惡應忽得不識者用蝇娘 夕百苦皆已明年正月食羊肉又大 唐氏方肠漏出水用蜷娘 劉涓子方附骨疽瘡蝇眼七枚同 神段本草經疏 盂 一枚陰乾

たりにし 永差 **肉故食之即發其法蓋出葛洪肘後方** 出凡諸癢皆可療也 白是也貼瘡半日許再易血盡根出即愈蟻娘畏羊 須痛定必微癢忍之待極癢不可忍乃撼動拔之立 方箭鏃入骨不可移者用巴豆微炒同蝇娘搗塗斯 作再用如神驗其用蜷眼心在腹 下度取之其肉 簡誤 **提為九塞下部引痔蟲出盡** 楊氏家藏

スこうをことう 勝風通利氣脉女子月閉出北地此是寒號蟲粪也 五靈脂味甘温無毒主療心腹冷氣小兒五疳辟疫治 蜷 疏〇寒號龜畏寒喜煖故其糞亦温味甘而無毒 **巳勿輕試** !眼有毒外用易臻厥功内服非虚人所宜非不 故主女子血閉味甘而温故療心腹冷氣及通 俱厚陰中之陰降也入足厥陰手少陰經性專 脉也其主小兒五疳者以其亦能消化水殼治 N. 神農本草經頭 主 利

金万正月八言 查生地黃治產後惡露不盡腹中作疼加桃仁其効 更速勿過劑 同澤蘭牛膝益母草延胡索牡丹皮紅花赤芍藥山 諸證所必須之樂 産後少腹兒桃塊諸痛及痰挟血成窠囊血凝齒痛 風者取其行勝問之疾滯也凡心貿血氣刺痛婦 韭菜童便治胃脘瘀血作痛 主治祭互 同番降香紅麴川通草紅花延胡索 同木香烏藥治周身

クヘスレコン んじつ 痛少腹痛並少腹疝氣諸樂不効者能行能止婦人 後惡露不快腰痛少腹如刺時作寒熱頭痛不思飲 **盞煎至七分連樂温服未止再服一方以酒代酯** 脂蒲黄等分研末先以酒二盃調末熬成膏入水 血氣剌痛 食又治久有瘀血月水不調黄瘦不食亦療心痛功 妊娠心痛及産後心痛少腹痛血氣痛尤妙用五靈 方以酯糊丸童便酒服 和濟局方失笑散治男女老少心痛腹 神農本草經疏 楊氏産乳方紫金丸治産 すべ

金り 腹痛五靈脂香附桃仁等分研末酯糊九 即 稀慢火熬膏入真蒲黃末和九龍眼大每服 與失笑同以五靈脂水納淨妙末 調 水與重便各半盞煎至七八分温 レーアノニー 事用 下血塊經閉者酒磨服之 下如口噤者幹開灌之入喉即 牛膝陳皮湯下 五靈脂二兩半生半炒為末每服 むニナニ 事林廣記卒暴心痛五靈 圖經產後血量 服 活 一兩以 少頃再服惡露 丹溪方産後 好米酯 服 一錢白水 一丸 百 調 知

欠らずるという 每米飲下三十九 而不語如醉名曰血潰以五靈脂為末湯服二錢即愈 眼中白珠渾黑視物殊常毛髮坠直如鐵條能飲食 脂水飛半夏湯泡等分為末薑汁浸蒸餅丸梧子 胎衣不下惡血衝心用五靈脂半生半妙研末每服 錢温酒下 簡誤 錢半氧薑炮三分為末熱酒服立愈 百一選方痰血凝結紫芝丸用五靈 神農本草經疏 夏子益奇疾方血潰怪病凡 Ī 產實方

蝎味甘辛有毒療諸風癮癣及中風半身不遂口眼喝 金り口屋と言 科語潘手足抽掣形緊小者良 間 後血暈惡血衝心少腹兒枕痛弱血經閉瘀血心胃 虚有火作痛病屬血虚無疼滯者咸所當忌 用然而血虚腹痛血虚經閉産婦去血過多發暈心 五靈脂其功長於破血行血故凡豚血停滯作痛產 疏〇蚂稟火金之氣以生本經味甘年有毒然察 作痛血滯經脉氣不得行攻刺疼痛等證在所必

火こうちんこう 丁 塗炙為末入麝香少許每用金銀煎湯調半字服之 用應是辛多廿少氣温入足厥陰經諸風掉眩屬肝 風唇青口嘬出白沫不乳用全蝎二十一箇無灰酒 皆須用之 引諸風樂入達病所也故大人真中風小兒急驚風 全切心鑑小兒臍風宣風散治小兒初生斷臍後傷 **本風客是經非年温走散之性則不能祛風逐邪兼** 主治祭互 神農本草經疏

鯪鯉甲微寒主五邪 金りしんと 言 湯下治横症不収口 葉裹定火上炎焦同研為末作一服白湯下小兒騰 蝎風藥也似中 風分四服如前服 簡誤 經驗方大人風涎用蝎一箇頭尾全者以薄荷四 風及小兒慢脾風病屬於虚法成忌 得胡桃同煅共研黄耆金銀花 傷燒之作灰以酒或水

人にりったに 方寸ヒ寮蟻窶 發痘等用 能行瘀血通經絡故又有消癰毒排膿血下乳和傷 能入大腸故療蟻獲蟻獲者即世人所云漏也性走 傷不已年主散則邪魅去驚啼悲傷止矣喜食蟻又 毒入足厭陰無入手足陽明經邪魅着人則驚啼悲 疏〇鯪鯉甲穿山穴居其性善走味辛平氣微寒有 主治祭互 神農本草經疏 主九

金けしたノニー 每服一 歸白芷金銀花連翹紫花地丁夏枯草牛旁子乳香 没樂甘草貝母皂角刺治癰腫未潰資為引導 尾尖處一兩煅存性鼈甲酥炙一兩麝香半錢為末 鯪鯉甲俗名穿山甲土炒同乳香沒樂番降香紅麴 山甲炮研末酒服方寸七日二服外以油梳梳乳 地榆治便毒 山查川通草重便治上部内傷胸膈間疼痛 一錢空心茶下 **追指方治鼠痔成瘡腫痛用穿山甲** 又方乳汁不通涌泉散用穿 同當 佐

見り可事とう 诵 毒威不得起發色帶氧紅枯燥者有功 **炙研末酒服二錢** 服 癰疽已潰不宜服痘瘡元氣不足不能起發者不宜 簡誤 又方便毒便癰穿山甲半兩猪苓二錢並以醋 得紫草生犀角生地黄治痘瘡 神農本草經疏 -

とりした。 神農本草經疏卷二十二